

merus iste g.o. argenteorum in singulis scutulis reductus sit ad quinarium: nimirum quinques quina, si quinarium ipsorum scutorum addas, compendio eundem numerum constituant. Cui accedit, quod quinarius ubique Lusitanis faustus habitus fuerit. §. 3. Conestagius refert, Reges Lusitanie, cum diplomata subscriberent, semper quinque puncta decussatim locata addidisse, vulnera appellare soliti, in memoriam vulnerum Salvatoris. Unde Philippus Lusitaniam subacturus, cum alias soleret subscribere diplomaticis hac verba: Ego Rex: diplomati in Lusitaniam missso tantum subscripsit Rex . . . ad imitationem Regum Lusitanie. Le Labour. de l' orig. n. 70. 71. putat, Alfonsum mutasse crucem candidam patris, quia in cruciatis expeditionibus gestamen illud nimium vulgare fuit, in crucem quinque scutis compositam, in decussim autem dispositisse inscripta puncta. ut alterius formae crucis [quam Andreanam vocant] etiam exemplum haberet, imprimis quia in Burgundia, natali Henrici solo, crux illa frequentior. De antiquiori symbolo Alphonsi I. Regis ita Joh. Caram. Lobkowitz in Joh. Bragand. p. 55. Nondum Regi sagitta symbolum, cuius pernici volatu promtitudinem in militares labores, velocitatemque signatam voluit; jam Regi quinæ Lunæ, ob devictos totidem Maurorum tyrannos, quibus pro insigni Luna. Atque ex eo symbolo & quinis illis concinnata postmodum insignia, quibus Lusitania etiamnum gloriatur. §. 5. Castellorum, quæ limbum exornant, rationem à totidem affinitatibus cum Castellæ Regibus contractis derivant: & quidem in Hispania non in frequens est affinitatum causâ limbos certos assumi. Ajunt vero Sancium II. limbum hunc adjecisse, non tamen definito Castellarum numero. Alii Alfonso. III. adscribunt, cum dotis nomine Lusitanie à Castellanis quedam oppida cederentur in ea provincia, quâ Anas fluvius mare petit, controversa antea Utrique genti. Caram. Lobkovitz. Philipp. prudent. in præfat. ad Leet. adscribit Johanni III. §. 5. Descripto hunc in modum clypeo Reges coronam ex moderno more clausam imponunt. Sebastianus tamen, ultimus ex priori linea Rex, simplicem tantum gestabat, clausarum consuetudine adhuc minus frequenti. Apex ex coronata galea erumpens & evolans Draco aureus, notando serpenti, quem Moyses in deserto erexerat. Hec & alia scuti mysteria memorant versus Caram. Lobkowitzii, Philippo prudenti Präfixi:

Pototypi Christi transfoxi vulnere quino,
Æneus est Moysi vera figura Draco.

Quin-

Quiunque crucem clypeis cruciger quia morte subegit.

Maurorum Lunas quinque Monarcha tulit.

Quolibet in clypeo formavit stigmata quinque,

Ut cor sit Clypeo Christus & altus apex.

§. 6. Joannem regem insignibus imposuisse sphæram, qua deinceps in omen tracta est detecti novi orbis, legitur apud Limn. Jur. Publ. 6. 6. 94. Hoc vero alii posterioribus Regibus Portugallia adscribunt. Ex quo liquet, Sibmacheri apicem à vero ab ludere, qui equi caput imponit. Bragantinorum tamen apex apud Chifflet. in l. Eq. A. V. n. 244. erat dimidiatus equus argenteus tripliei vulnera in collo Iesus, sanguine ex ore erumpente, freno coecineo, lupato aureo. Symbolum Regibus Portugalliae peculiare fuisse putatur [certè in monetis illud videre est.] In hoc signo vinces; ab apparitione Christi, qui ea verba ad Alfonsum prolocutus fertur. Telamones autem sunt Dracones, duo vexilla insignibus regiis depicta gestantes. Addit Sammarth, dans l'estat de Portug. p. 321. regium papilionem cœruleum ornatum scutis Lusitanicis. Ordo militaris est quem Jesu Christi vocant, cum cruce inde dependente: additur etiam post scutum crux viridis in liliorum flores terminata pro ordine Avisio. Regni Algarbiæ tessera est scutum ex argento & minio quadripartitum. In argenteo visuntur singula capita Maurorum, diadematate tortili argenteo revincta: utraque rubea, quadra herma regius adversa fronte, aureo amictu. Hac videntur esse trophea victoriarum adversus Mauros. § 7. Titulus denique Regibus Portugalliae usitatus, uti citatur Part. V. Diar. Europ. ad Ano. MDCLX. Mens. Decemb. p. 246. hic est: Rex Portugalliae, Algarbiæ & citerioris atque ulterioris lateris Oceani Africani, Dominus Guineæ & conquistarum navigationum & commerciorum in Æthiopia, Arabia, Persia & Indiis &c. Unde apparet, Regibus Lusitania, insigne ac præcipuum præ omnibus aliis esse, quod titulis suis, non terras modò & maria citerioris & ulterioris lateris Africæ, sed navigationes quoque & commercia ipsa complectantur. Idque ita inde à Rege Emanuele patefacta in Indias viâ maritimâ obtinuit, observatumque fuit.

Quæstio 1.

§. 1. Verb. Henricus quoque crucem argenteam in cœruleo scute sumserat

An insignia privato arbitrio eligi ac mutari possint? Resp.

Insignia varia sunt ; alia publica dignitatis & officii, quæ non possunt sumi aut dari, nisi ab eo, qui ipsam dignitatem officiumve dare aut constituere potest ; neque aliter aut alibi, quam constitutum est, usurpari possunt. Uti insignia Proconsularia Proconsul Romanus non habuit nisi extra urbem *l. i. de Offic. Proc.* Unde, cum Princeps sit fons omnium dignitatum ac officiorum, nihil dubii est, quin eorum insignia publica dare ac mutare possit : quod inferioribus autem magistratibus regulariter non licet ; nisi in specie id à Principe concessum sit, ut certa lege concedi solet Comitibus Palatinis Alia vero sunt insignia privata familiæ ; eaque unusquisque paterfamilias arbitrio suo fingere, familiæque suæ inferre potest ; cum sint juris & arbitrii privati, *l. un. C. de Mutat. nom.* nisi juribus loci aliud sanctum, fuerit. At, si publicâ autoritate Principis privato ejusq; familiæ dignitas collata fuerit, additis certis insignibus, mutari insignia ista non possunt *l. 10. C. de Ing. manum.* Multò magis igitur Princeps aut Rex regia familiæ suæ insignia confingere, & mutare potest ; tum jure Regis tum Patris. imprimis cum insignia sint Juris positivi, quod sub potestate Principis est. Atque ita mutatorum insignium regni exempla non modo in Portugallia ; sed in Gallia, aliisque Regnis plurima occurrunt.

Quæst. 2.

Ad §. 3. Verb. Ad imitationem Regum Lusitanie.

An licet alterius insignia assumere atq; usurpare? Resp. Certum est, insignia Principis vel officiorum à nemine usurpari posse ; adeò ut leverissime in eum animadvertatur, qui regiis insignibus utitur. *l. un. C. Null. lic. in fren. tot. tit. C. Ut nem. priv. tit.* idque apud Persas capitale adeò fuit, ut Alexander M. in Persia, cum diadema ejus viventi in flu- men projectum arundini hæreret, milesque, qui id natando

do repetebat, capiti imponeret, ne aquam contingat, pro opera quidem talentum militi dederit, at pro gesto insigni morte puniverit; ut quidem Arrianus narrat: Quod, si verum est, in justitiâ insigniore non vacat. Quin idem Alexander M. cùm ipse militem semianimum solio regio impoñuissest ac refecisset, nihil quidem pœnæ in eum statuit, sed tamen apud Persas id capitale esse dixit, referente Val Max. lib. 5. cap. 1. quæ utique lex capitum huic militi quo inscio sensusque omnis experit, ipso quoque Rege auctore, id factum fuerat, applicari non poterat. Sed & quisquis illicitis insignibus utitur, lege Cornelia de falsis teneatur. l. 27. §. ult. ff. Ad l. Corn. de Fals.

At privata familiæ alterius insignia alter adsciscere, & ubique in suo pingere potest. per l. 63. §. 10. ff. ad SC. Treb. quia eodem jure, quo prior Pater ea sibi elegit, alter quoque eandem sibi imaginem adsciscere suisque rebus insignium titulo inscribere potest: nisi id in fraudem alterius fiat, ut additur in d. l. un. C. de mut. nom. Verb. sed sine aliqua fraude: uti, si homo vilis seu turpis notæ, Clarissimi Viri seu familiæ, aut opifex vulgaris, egregii alicujus artificis insignia usurpet, mercesque suas iis designet. Ita plebeji non posunt uti galeis apertis, quia illa Doctoralem Equestremque dignitatem Insigniunt. Besold. de Nobilit. Sed &, licet nihil dolo fiat, si tamen alterius intersit ratione insignium suorum, ne alter iisdem utatur, huic usus eorum interdictur, c. dilecta 14. vers. de Excess. Præl. Quod intelligendum est de nova insignium adoptione; si enim uterque ab antiquo insignia eadem jam habuit, neutri jus quæsumum auferri debet. Non facile autem familia, imprimis illustris, alterius familiæ insignia assumit, tum quia distinguendis familiis insignia inventa sunt, tum, quia varii inde tituli, variaque jura ducis solent, confundi que posunt. Unde nulla mihi videtur conjectura Freheri, qui Henricum

Co-

Comitem Palatinum Rheni, è domo sua Brunovicensi Leonem Palatinatui colore mutato intulisse, longeque certius idem Autor Leonem Palatinum esse vetustissimum illud insignē Pipinorum, Comitum Palatinorum, quique inde nati sunt Regum Francorum, qui Hunnibaldo teste, jam Leonem pro insigni familiæ gesserunt, conjectat, vid. Freher. de Orig. part 1. c. 12.

Quæst. 3.

Ad §. 7. Quod titulis suis non terras modo & Maria.

An maria occupari possint? Resp. 1. occupari, id est, in potestatem redigi naturaliter, perinde ac terras, ita ut natura posse maris nullo modo repugnet: quanquam Grotius tract. de Mari lib. 5 tract. d. J. B. & P. lib. 2. cap. 2. §. 3. dissentiat. Resp. 2. Posse etiam de jure maria occupari, sed salvo omnibus communijure navigandi, de quo ad sect. 3. art. 3. quæst. 2. Ita Jupiter apud Virgil. lib. 1. Aeneid. Veneri, filiæ suæ, prædixit ac pollicitus est, ex sanguine. Teucrorum orituros Romanos, Qui MARE, qui terras omni ditione tenerent.

Quæst. 4.

Ad eund. §. Verb. Sed navigationes quoque.

An regalia & Majestatis jura etiam in ipsis navigationes & commercia statui possint? Ratio dubitandi est; quod illa nihil sint nisi facta; jurisdictiones autem & regalia jura territoriis inhærent. Item quod navigationes quoque & commercia jure naturali sint communia. Verum per navigationes hic non intelliguntur facta sed jura; torum navigandi commercandique negotium: in quod alii Imperium & regalis potestas competere potest, cum ratione personarum navigantium, tūm ratione portuum, ac fortalitorum, quæ in littore habentur, & quibus navigationes defenduntur. Nec jus privatum navigandi, quod omnium communne est, & in privatis utilitatibus consistit, per hoc imperium tollitur.

FINIS.

* (81) *

MANTISSA POETICA.

BILANCI JUSTITIÆ BELLI ET PACIS
IMPOSITA.

Epigramma I.

Ad Sereniss. & Potentissimum
Lusitaniæ Regem.

*Postulaisti tibi Sapientiam ad discernendam judicium, 3. Reg.
e. 3. v. 11. 12.*

Justitiam Pacis tibi consecro Pacis amanti,
Justitiam Belli juste Monarcha tibi.

Tu Numa Lusiadum, gnarus sine labe tueri
Justitiamque sagi, Justitiamque togæ.

Nupta dum Regi *Sapientia* cominus adstat,
Quid, nisi quod rectum est, pendet amica Themis?
Ergo tibi statuo signatum hac laude Colossum:
Hic justus Patriæ dicitur esse Pater.

Epigramma II.

Ad Serenissimam Reginam.

Tensa protecturæ tibi valea Favonius implet,
I pete Lusiadum Sponsa *Sophia* Lares.
Jam tibi panduntur prædivitis ostia regni,
Jamque tibi *Petri* Regia tota patet.
Virginibus fatuis occludit limina Sponsus,
Lumina ni rutilent, limina nulla patent,
IV Virgo sapiens ornatâ LaMpaDe fVLges,
CVI referata tVI IanVa regis erit.

L

Epi-

Epigramma III.

Ad utrumq; Regium Conjugem.

Fortia connubii durabunt vincula vestri,
Nam fortis forti juncta *Leæna Petre est.*

Petra procellosas irridet Thethyos undas?
Quis nescit vires nupta Leæna tuas?

Si movet Herculeos Lethum furiale lacertos,
Non domat Alcidis tam cito clava duos.

Epigramma IV.

Ad Illusterrimum & Excellentissimum Dominum,

Dominum Emanuelem TELLESIUM
SYLVIUM ,


Comitem Villar-Majorum, Dominum Alegreti & Præceptoriarum Albuferitiæ, Mauriæ & Souriae, Sacrae Lusitanicæ Majestati à consiliis status & belli, primæ admissionis cubicularium, Regni porteriorum Præfectum, & ad Serenissimum Principem Elec. Palat. Legatum Extraordinarium.

SE, Paranymphe, tuæ subdit mea pagina limæ,
Quas tibi crediderit, nam scio, Pallas opes.
Quos habet implicitos quæcunque scientia Cripbos,
Explicat aoniis hos tua lingua modis.
Mente tuâ Sophicos indagatrice recessus
Et Thermidis lancem discere cura fuit.
Debebat *Sapiens*, quando *Sapientia* nupsit,
Mitti, qui posset Regis obire vices.

Ad


Ad Lectorem.

Benevole Lector, Duas diversi generis materias hoc in opusculo proposui: nimirum cum *Historiam Portugalliae*, tum in ea fundatam *Belli ac Pacis Iustitiam*. Historiam desumsi ex pluribus rerum Lusitanicarum Scriptoribus, quorum in plerisque verba retinui, ut sua cuivis sudes constet integra. Quoad alteram partem, scilicet Iustitiam in Historia illa fundatam, haud latet, ex legibus civilibus controversias illas Regnum & Principum decidi nec posse nec debere, quippe qui in terris potestatem superiorem, cuius legibus obligentur, non agnoscunt; ut merito inter alios reprehendendus videatur doctissimus alioquin Hottomannus, quod controversias illustres ex legibus Romanis positivis decidendas sumserit. Altius itaque quærendum est principium, quo liberi populi ac Reges Potentissimi quoque obligari possint, quodque vereri debeant, ipsum inquam naturæ ejusque Autoris decertum, quod ex naturali ordine sive serie rerum creatarum cognosci potest, indeque Jura Belli & Pacis decidi debent: Non, quod Autores Romani hujus quoque juris non fuerint longè peritissimi, quippe qui ex ipsis his fontibus Iustitiae Romanæ sacra hauserunt, & optimâ quandoq; ratione eam in rem citari possunt; sed quod præter rationem naturalem illi etiam civilem secuti fuerint, quæ summos Principes non obligat, sed ab eorum Imperio dependet. Ne mireris igitur, Benevole Lector, rationis naturalis nos magis, quam legum Autoritatem adduxisse; & si quid in facto aliter forte, imprimis hodie, reperiatur, id cogites velim, non novam me historiam scribere, sed eorum, quæ à prædictis Autoribus passim scripta ac relata sunt, iustitiam nunc defendere. Vale.



3

est



H. COCCOEJI
Dissertatione s.
Iuridice selectæ.